



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

Nvm. 3. De Ostiis Padi.

urn:nbn:de:hbz:466:1-13120

§. 4. De Padu fluvio Galliam Cisalpinam alluente.

N V M. 1. Nomen Padi.

DICTVS est PADYS teste Metrodoro Scopio apud Plinium lib. 3. cap. 16. à voce Gallicâ *Pades*, quæ piceam sonat, quoniam arbos illiusmodi ad caput eius plurima: cùm linguâ Ligurum BODINCVS vocaretur: hoc est fundo carens.

ERIDANVS quoque nuncupatus est Rex flaviorum Virgilio, ab Eridano solis filio quem Phaëtonem dicunt, qui fulmine afflatus in hunc fluuium cecidit, vt ait Isidorus lib. 13. cap. 21. Quomodo autem veteres inducti sint in fraudem, & hunc Eridanum Italicum cum Sarmatico confuderint qui ad Gedanum cadit Dantizich, diciturque hodie Radune, seu Radanne, & Redane; itēmque de Electro ibidem crescente, quod Italiz perperam veteres affinxere: lege bene longam Philippi Cluuerij diatribam cùm in Italâ suâ, tum in Germâniâ.

N V M. 2. Fons Padi.

ORITVR Padus ex Vesulo monte (hodie *Vesô*, seu *Viso*) aiunt Plinius, Solinus, & Mela: ex triplici fonte, vt volunt Seruius & Isidorus; vt Polybius & Mela ex fontibus. Addunt Plinius & Solinus fontem eius visendum esse, vnde occasio errandi Blondo existimanti nomen proprium Padi fontis esse *Videndus*; certè Martianus Capella errandi occasionem abstulit dum cum *Mirabilem* dixit. Ratio autem eius miraculi affertur à Plinio lib. 2. cap. 103. *Padi fons medis diebus estiuis velut interquiescens semper aret: postquam passuum tria millia decurrit cuniculo hauritur* (hodie ad vicum *Pisana*) *sicque hauritur ut nihil eius appareat; at post duo millaria iterum emergit:* Plinio quidem in Foro-Vibiensi agro, Solino & Capellæ in Vibiensi agro. Augetur autem maximè ad Canis ortum liquatis niuibus, vt omnes veteres putauere, & pleraque flumina Galliz eebibit, de quibus in Geographicâ descriptione cap. 3. & 4.

N V M. 3. De Ostiis Padi.

De numero ostiorum huius fluminis duplex est veterū sententia.

Fri-

Prima, est Polybij lib. 2. duo esse Padi ostia, Paduam & Olanam: pro Padua legendum putat esse Cluuerius Padusa, : Plinius notat Olanam postea dictum esse Volanen. Padusæ Virgilius, Claudianus & Plinius meminere; hic addit olim Messanicum dictum. Hodie Volana nominatur *il Pô di Volana*, Padusa *il Pô d'Argenta* Padus Argentanus.

Secunda sententia Pado 7. ostia assignat, quæ ideo septem maria appellata sunt: sic Plinius, Herodianus, Mela, & alij. Vnde factum ut Apollonius Rhodanum 7. ostii in mare deuolui dixerit, quia eum cum Eridano confuderat. Ea ostia sic tibi digerimus procedendo à Meridie in Boream.

I. & Meridionalius AVGVSTA FOSSA, aliter Fossa Asconis dicta, quæ Rauenam vsque protracta erat: & hodie dicitur *il Canale di S. Alberto*.

II. PADUSA, aliter MESSANICVM OSTIVM, & SPINETICVM, itemque VATRENI PORTVS, quo ingressus est Claudius Cæsar è Britanniâ triumphans prægrandi illâ domo verius quam nauis, ait Plinius lib. 3. cap. 16. Dicitur idem PADVS MAGNVS, quia præcipuum est ostiorum Padi: *Spinetum* autem à Fl. Spine ad quem vrbs Spina condita erat: VATRENI autem à Vattro Fl. SANTERNO, qui Forum Cornelij alluit; cur Messanicus, nescio: hodie Padus Argentanus *il Pô d'Argenta*, & Primaro.

III. CAPRASIA, hodie Ostium dicitur *Bocca di bell'Ochio*, Alueus autem *Virginese*.

IV. SAGIS, & infra Comaclum cadit in mare, hodie *Porto Magno*, aliter *Porto di Magna Vacca*, à diuersorio publico hic sito. Quod autem hic alueus ita dictus sit, arguit vicus *Fossege* ei affixus, quasi *Fossa Sagi*.

V. VOLANE, antea OLANA, vt ex Plinio antea innuimus: hodie nomen retinet *il Pô di Volana*.

VI. FOSSA CARBONARIA, ostium hodie *il Porto di Goro*, Alueus *il Pô d'Ariano*.

VII. FOSSA PHILISTINA, aliter TARTARVM, quia hic erat olim Tartari fluminis ostium, qui Ptolemæo Arianus Fl. dicitur, hodie *Tartaro*, ostium autem & Alueus hodie vocantur *il Pô Grande*. Fossa verò committens tria hæc posteriora ostia FOSSA NERONIS appellabatur.